

RAPPORT annual administrativ della pleiv da Tujetsch per igl onn 1976/77

Cun la rendaziun da quen eis ei usitau che ils organs administrativs presentien era in rapport d'orientaziun per mauns della radunonza generala. Era nus vulein sespruar da resumar cuortamein ils fatgs ils pli impurtants che han occupau la suprastanza de pleiv el decuors digl onn passau.

Lavur suplementara ha surtut la midada da omisdus ^{spirituals} en pastoraziun purtau.

Rev. P. Teodosi Sialm provisur a Rueras ha bandunau nus gia la fin d'uost.

Sur Giusep Durschei plevon a Sedrun ha priu comiau da sia muntanera, l'emprema dumengia da settember. Nus havein sespruau da undrar ils partents Augsegners cun preparar mintgamai ina mudesta fiasta en honor ed ^{ed} engraziament per tut il bien prestau. Sur Giusep Durschei ha cun varga 28 onns pastoraziun unfriu la gronda e meglia part da sia veta per ils vischins da Tujetsch. Ils vischins da Tujetsch vegnan a salvar Sur Giusep Durschei e P. Teodosi Sialm en engrazieivla e buna memoria.

La curia episcopala ha schau spetgar nus plirs meins sin propostas da novs spirituals. Finalmein cu nus havein obteniu ^{novas definitivas} ~~propostas~~, havein buca terglinau ditg da visitar il niev proponiu plevon Sur Giusep Cathomas. La sentupada cun El in cauld di da fenadur ad Uors Lumnezia ha giu per consequenza, che ils delegai da Tujetsch sco el sez han secapiu pulit e Sur Cathomas ei daventaus il vengonz successur da Sur Giusep Durschei. En la radunonza de pleiv dils 10 da fenadur 76 ei Sur Giusp Cathomas vegnius elegius honorificamein sco plevon da Sedrun. Ils 3 d'october cun caschun della celebraziun della fiasta dil s. Rusari ha Sur decan Pius Venzin installau il niev plevon e surdau ad El en tutta fuorma la pastoraziun della pleiv da Tujetsch. Nies niev plevon dottaus cun ina vusch sonora e dun spezial per il cant ei sevivius en pulit cun la nova muntanera e nus sperein bugen ch'el anfli satisfacziun e cuntentientscha tier ils Tujetschins per biars dis ed onns. 15 dis pli tard ils 17 d'october ha Sur decan stoviu turnar en Tujetsch per installar il niev elegiu plevon da Rueras. Sur Benedetg Baselgia ei buca senuspius da bandunar la climaticamein migeivla Foppa per surprender la pastoraziun da Rueras en bucca della criua val Mila e Selva enconuschents entrqs las nauschas lavinas. ~~Nus~~

2. Nus sperein che era Sur Benedetg sesanfli per ina roscha ded onns,sauns e cuntents cun ses parochians da Rueras e dadens gl'ual.

La vasta pleiv da Tujetsch ha puspei dus spirituals stabels che uran e veglian per nus tuts. La curia episcopala ha en la situaziun sco ella ei oz,cun gronda munconza da spirituals,demussau tut aparti bien quittau per la pastoraziun de Tujetsch.Nus tuts vulein bugen renconuscher quei fatg,ed engraziein era da cheu anora,oravontut alla divina providientscha ed a tuts quels che han gidau nus tier quels premurai e buns pasturs dellas olmas. Duront il temps vacant,cun las casas vitas havein nezegiau la buna caschun e fatg differentas reparaturas e renovaziuns veramein nezesarias. Quei ha stoviu daventar en in relativ cuort temps.Ei descha d'engraziar a tuts luvrers e mistergners per la zun prompta e burja lavur prestada.

Finalmein suenter biars onns da disturbi e purlanzas per ils vischins della casa pervenda e la baselgia ha il niev plaz denter casa e baselgia ed il run saviu vegnir ulivaus e semnaus.Ei manca aung la empluntaziun dil rieven encunter il run sco secunvegnu. La beinreusida via nova occupescha bein il niev toc terren della pleiv,mo ei tuttina dengrau e survida per tuts. El decuors digl onn passau ha il cantun slargiau la via cantunala che cunfina cun il prau Dulezi.La pleiv ha sco auters vischins stoviu ceder il necesari terren. Igl uffeci cantunal da baghegiar ha empermess en scret alla pleiv in prezi da 70.- im². La mesira da quei terren e la bonificaziun persunter spetgein proximamein.

Consequentamein ei la vischnaunca stada sfurzada da ruchegiar igl existent plaz da parcar impau pli engiu. Il terren che la vischn. polica occupescha vegn cedius ^{con il parcadi} dalla pleiv en dretg da surbaghegiar (Baurecht) cun in cuoz da 50 onns e per in tscheins annual da 6000.- frs. Il respectiv contract ei aung pendants.

El decuors digl onn ha la suprastanza de pleiv vendiu in sulom ded in baghetg pli vegl,a Sutcrestas alla possesura della casa de scola leu speras,numnada soz.

"Vacanza" Luzern, mesira ca 30 m² per frs. 500.- Dapli ha la vischnaunca ^{della casa parociale Sobna} adistau ina plaunca dadens la Val Custer per intent dil previu proiect da lavineras,mesira 1509 m². prezi 338.- frs.Las sura numnadas vendas ein sin damonda alla curia episcopala,vegnidas lubidas cun il giavisch da sche pusseivel replazar il schischom vendiu. ^{principals} Quei fuss cuortamein ils fatgs che han occupau nus duront igl onn vargau.En 4 radunonzas della pleiv e 17 sesiuns ha la

3. suprastonza de pleiv sespruau da liquidar ils problems sepresentai.

Per conclusiun da miu rapport resta la obligaziun d'engraziar, oravontut a nos spirituals per la gronda lavur e quittau en baselgia, scola, asil en sozietads, tier sauns e malsauns. Il Diu Tutpussent benedeschi siu operar. En medem temps engraziel era a nossa capavla cathechista ed atuts gidonters en survetsch della baselgia e pleiv, sco calusters, organists e dirighets dils chors baselgia, ugaus da baselgias e capluttas. Tuts merettan reconuschientscha ed engraziament per igl engaschament en survetsch della cuminonza de pleiv.

Jeu engraziel era a mes collegas della suprastonza de pleiv per la buna colaboraziun e sustegn ed en medem temps a tuttas vischinas e vischins per la confidanza demussada.

Cun quels plaids recamondel nus e nossa bialla Val sut la protecziun dil Tutpussent Diu.

Camischolas, ils 27.6.1977

Cavegn Christian pres.

x In meritivel engraziament era a tutta Augsburger.
Che han surpria la pastorezia durant il temps vacanz.